

## К ОПУБЛИКОВАНИЮ

### КОМИ РЕСПУБЛИКАЛӨН ОЛАНПАС

**«Коми Республика мутасын пемөсьяслөн торйөн ёна өпаснөй  
висьөмьяслөн паськаланіньяс лоөмысь видзчысьөм да найөс бырөдөм  
могысь пемөсьясөс мырддьөмкөд да скөт видзан прөдукция  
босьтөмкөд йитчөм өткымын юалөм йылысь»  
Коми Республикаса Оланпасө вежсьөмьяс пыртөм йылысь**

Примитөма Коми Республикаса  
Каналан Сөветөн

2021 вося лөддза-номья төлысь 24 лунө

**1 статья.** Пыртны «Коми Республика мутасын пемөсьяслөн торйөн ёна өпаснөй висьөмьяслөн паськаланіньяс лоөмысь видзчысьөм да найөс бырөдөм могысь пемөсьясөс мырддьөмкөд да скөт видзан прөдукция босьтөмкөд йитчөм өткымын юалөм йылысь» Коми Республикаса Оланпасө (Коми Республикаса канму власьт органьяслөн индөд-тшөктөмьяс, 2011, 23 №, 598 ст.) татшөм вежсьөмьяс:

1. Нимсө гижны тадзи:

**«Коми Республика мутасын пемөсьяслөн  
торйөн ёна өпаснөй висьөмьяслысь паськаланіньяс  
бырөдигөн пемөсьясөс да (либө) скөт видзан прөдукция босьтөмкөд  
йитчөм өткымын юалөм йылысь».**

2. Водзкывсө гижны тадзи:

«Тайө Оланпасөн «Ветеринария йылысь» Россия Федерацияса Оланпас, «Пемөсьяслөн торйөн ёна өпаснөй висьөмьяслысь паськаланіньяс бырөдигөн пемөсьясөс да (либө) скөт видзан прөдукция босьтан правилөяс вынсьөдөм йылысь» Россия Федерацияса Велькөдлан котырлөн 2006 во ода-кора төлысь 26 лунся 310 №-а шуөм серти ладмөдөны өткымын юалөм, мый йитчөма Коми Республика мутасын пемөсьяслөн торйөн ёна өпаснөй висьөмьяслысь паськаланіньяс бырөдигөн пемөсьясөс да (либө) скөт видзан прөдукция босьтөмкөд сы могысь, медым видзчысьны пемөсьяслөн вуджан висьөмьяс босьтөдысьяслөн паськалөмысь да видзны олысьясөс йөзлы да пемөсьяслы өтувья висьөмьясысь.».

3. 1 статья гижны тадзи:

**«1 статья.** Коми Республикаса Велькөдлан котыр:

1) урчитө пемөсьясөс да (либө) скөт видзан прөдукция босьтөм вөсна гражданалөн да юридическөй кывкутысьяслөн артмөм убытка вештөм вылө Коми Республикаса республиканскөй сьөмкүд сьөм видзан пөрадөксө;

2) оланпастэчас серти индö убыткалысь, мый артмöма гражданалöн да юридическöй кывкутысьяслöн пемöсьясöс да (либö) скöt видзан прöдукция босьтöм вöсна, вештыны колана мындасö;

3) примитö пемöсьяслöн торйöн ёна öпаснöй висьöмьяслысь паськаланіньяссö бырöдигөн пемöсьясöс да (либö) скöt видзан прöдукция босьтöмсö котыртöм да нуödöм йылысь помшуöm.

Коми Республикаса Воськöдлан котырлысь уджмогьяссö, кутшöмьясöс индöма найö статьялöн медводдза юкöнын, Коми Республикаса Воськöдлан котыр пöртö олöмö ачыс либö (1 да 3 пунктьясын индöм уджмогьяс кындзи) сыөн уполномочитöм Коми Республикаса олöмö пöртысь власьт орган.».

**2 статья.** Тайö Оланпасыс вынсялö сійöс официальнöя йöзöдöмсянь дас лун кольöм мысти.

Коми Республикаса Воськöдлан котырлы примитны нормативнöй инöда актьяс, кутшöмьяс могмöдöны тайö Оланпас збыльмöдöмсö.

Коми Республикаса Юралысь

В.В. Уйба

Сыктывкар

2021 вося лöддза-номья тöлысь 30 лун

49-РЗ №